

## BACCHUS ET PIRATAE

*'Twas Bacchus and his kin !  
Like to a moving vintage down they came,  
Crown'd with green leaves, and faces all on flame ;  
All madly dancing through the pleasant valley,  
To scare thee, Melancholy !*

KEATS.

## XIX

INTER deos Rōmānos agricolae nōn solum Cererem sed Bacchum quoque adorābant et in summō honore habēbant. Bacchus enim vinum hominibus dedit et multas artes docuit. Ad Bacchi aras agricolae dona multa, et in primis uvās vinumque iucundum, ferēbant, et aras floribus laetis pampinisque ornābant. Deus igitur vitēs Italicās cūrābat, et ā periculō dēfendēbat. Formosus erat Deus, et, quod vitēs amābat, capillos suos pampinis saepe ornābat. Nec Italos Graecosque solum docēbat, sed ad longinquas terras nāvigābat, aliisque gentibus vinum dābat, artesque rusticās docēbat.

## XX

Deus, ubi trans mare Aegaeum quondam nāvigābat, ad insulam parvam nāvem gubernāvit, et erroribus longis fessus, sē in orā maritimā prostrāvit et somnō placidō corpus animumque recreābat. Mox autem piratae quoque, malī hominēs, nāvem ad insulam impulērunt. Ubi iuvenem formosum in orā vidērunt, tum verō magnō gaudiō, “Ecce!” inquit, “nōn sine praedā ad patriam nostram nāvigābimus. Hominem raptābimus et in nāvem furtim impōnēmus, tum cito cum captivō ad Africam nāvem impellēmus. Africae incolae servos dēsiderant, et pecūniam multam nobis dābunt, si nos iuvenem tam pulchrum tradiderimus.” Tum piratae, malī ignāvique hominēs, deum raptāverunt et in nāvem imposuerunt; nec tamen iuvenem fessum ē somnō excitāverunt.

## XXI

Ubi autem Bacchus ē somnō sē excitāvit, et undās caeruleās undique vidit, tum nec irātus nec perterritus, “Nōn ego,” inquit, “stultos ignāvōsque timeo; mox tamen piratae nūmen meum vidēbunt et vehementer timēbunt.” Tum ē mediā nave vitis florēbat et in altum ascendēbat. E

vīte rāmī, ē rāmīs pampinī flōrēbant, et dē summīs rāmīs ūvae purpureae pendēbant. Nōn iam candida erant vēla, sed lūce purpureā fulgēbant.

Ubi nautae vītem mīram in mediā nāve vidērunt, tum magnō timōre Deum spectāvērunt; capillī in capitibus horruērunt. Subitō ex undīs tigrēs leōnēsque saevī in nāvem ascendērunt et in nautās perterritōs cucurrērunt. Pīratae, terrōris plēnī, ē nāve in mare sē prostrāvērunt. Deinde Iuppiter propter misericordiam hominēs in delphīnās convertit. Intereā Neptūnus vēla purpurea ventīs secundīs implēvit, et sōlus sub vītium umbrā Bacchus ad terrās longinquās nāvigāvit.